



n° 2320

Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

REÇU

Par Alf Christian, 11:57, 03/06/2020

Lëtzebuerg, den 03/06/2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un d'Ministere fir Kommunikatioun & Medien, Bannenzeg Sécherheet & Wirtschaft weiderzeleeden.

A menger parlamentarescher Fro n°78 hat ech de Premierminister iwwert d'Sécherheet a Vertraulechkeet vun de Kommunikatiounsreseau befrot. Deemools war jo säitens der US-Regierung beschloss ginnkeng Equipementer vun Huawei méi an hirem sougenannte "Core" vum Kommunikatiounsreseau wäerten asetzen. D'lëtzebuergesch Regierung huet hei net ausgeschloss, fir chinesesch Technologien am Kär vun eise Kommunikatiounsinfrastrukturen ze verbidden. Weider schreiwen d'Ministeren:

"Aktuell verfügt d'Regierung net iwwert genuch corroboréiert Fakte fir esou eng Mesure ze huelen, mee wann dëst sech géing änneren, da misst eng Reevaluatioun gemaach ginn."

Tëschenzäitlech huet d'Regierung, am Juni 2019, eng öffentlech Ausschreiwung fir Projeten am Kontext vum 5G gestart. Heibäi ass d'Post als Koordinator am Beräich "Network Security" festgehale ginn.

An deem Zesammenhang wéilt ech de Ministeren dës Froe stellen:

1. Huet sech d'Faktelag, wat d'Benotzung vu chineseschen Technologien an eise Kärkommunikatiounsinfrastrukturen ugeet, verännert? Wéi eng Rapporten leien der Regierung hei vir?
2. Wéi eng Sécherheetskrittären an Technologiesufuerderunge goufen am Domän vun der Network Security festgehalten?



www.piraten.lu

Mat déiwem Respekt,

A handwritten signature in black ink, consisting of a large, sweeping 'C' followed by a horizontal line and a vertical stroke, resembling the letters 'C' and 'E'.

CLEMENT Sven
Député



www.piraten.lu



LE GOUVERNEMENT
DU GRAND-DUCHÉ DE LUXEMBOURG
Ministère d'État

Luxembourg, le 08 JUIL. 2020

Le Ministre des Communications
et des Médias

Personne en charge du dossier:
Josiane MEYENBURG
☎ 247 - 86710

REÇU
Par Aiff Christian, 11:07, 08/07/2020

Monsieur le Ministre aux Relations
avec le Parlement
p.a. Service Central de Législation
L-2450 Luxembourg


Objet: Réponse commune de Monsieur Xavier BETTEL, Ministre des Communications et des Médias et de Monsieur Franz FAYOT, Ministre de l'Économie à la question parlementaire n°2320 du 7 juin 2020 de Monsieur le Député Sven CLEMENT au sujet « Déploiement technique de la 5G ».

Monsieur le Ministre,

J'ai l'honneur de vous faire parvenir en annexe la réponse commune de Monsieur Xavier BETTEL, Ministre des Communications et des Médias et de Monsieur Franz FAYOT, Ministre de l'Économie à la question parlementaire n°2320 du 7 juin 2020 de Monsieur le Député Sven CLEMENT.

Veuillez agréer, Monsieur le Ministre, l'expression de ma haute considération.

Le Ministre des Communications
et des Médias



Xavier BETTEL

Äntwert vum Kommunikatiouns- a Medieminister, Xavier BETTEL a vum Wirtschaftsminister, Franz FAYOT op d'parlamentaresch Fro N° 2320 vum 3ten Juni 2020 vum honorabelen Deputéierten Sven CLEMENT

Beim Appel fir Projeten am Kontext vun der 5G handelt et sech nët em eng öffentlech Ausschreiwung, mee déi Projeten, déi d'Krittäre fir eng Ënnerstëtzung erfëllen an zréckbehale ginn, kënnen vum engem Kofinanzement profitéieren. D'Thème vun den insgesamt 29 Projeten déi eragereecht goufen, goufe vun de Koordinatore vum jeeweilege Projet selwer virgeschloen. Ee vun de Projeten vun der Post Lëtzebuerg ass dobäi am Beräich vun der "Network Security" ugesidelt. Dëst wëll awer nët heeschen, dat d'Post domat géif eng national Koordinatioun vun der "Network Security" iwwerhuelen, mee heescht just, dat hire Projet an dësem Beräich ass.

Am Allgemengen ginn all Bedreier vun engem öffentlechen Telekommunikatiounsréseau ugehalen duerch den Artikel 45 aus der "Loi du 27 février 2011 sur les réseaux et les services de communications électroniques" fir d'Sécherheet an d'Integritéit ze suergen. Well déi zukünfteg 5G Réseauen Télékommunikatiounsréseauen sinn an d'gesetzlech Regeln technologesch neutral sinn, falen dës och ënnert déi Legislatioun.

D'Faktelag zur Benotzung vu chineseschen Technologien an de Kärkommunikatiounsinfrastrukturen ass onverännert. Fir eng harmoniséiert europäesch Approche zu dem gefuerderte Sécherheitsniveau an Europa ze kréien, huet d'Enisa, déi europäesch Agence fir Cybersecherheet, 25 Sécherheitsobjektiver festgeluecht un deenen sech och Lëtzebuerg orientéiert¹.

Am Moment ass Lëtzebuerg amgaangen déi nei europäesch Direktiv iwwert elektronesch Kommunikatioun² ëmzesetzen (de betreffende Projet de loi gouf de 26. Juni am Regierungsrot ugeholl). De proposéierten Artikel 42 stellt dobäi sécher dass d'Opérateuren déi néideg Mesuren huelen fir dass d'Sécherheet an d'Integritéit vun den Réseauen assuréiert ass.

Nieft der Direktiv huet déi europäesch Kommissioun Ufank vum Joer eng "5G toolbox"³ publizéiert mat spezifesch Recommandatiounen fir d'Sécherheet vun de 5G-Réseauen. Fir de Moment ass Lëtzebuerg amgaangen dës Recommandatioun ëmzesetzen, sief dat um legislativen Niveau (cf. de Projet de loi deen d'Direktiv transposéiert) oder der Adaptatioun vun de Moosnamen déi dem ILR am Kader vum Artikel 45 aus der "Loi du 27 février 2011 sur les réseaux et les services de communications électroniques" all Joer matgedeelt gi mussen.

¹ <https://resilience.enisa.europa.eu/article-13/guideline-for-minimum-security-measures>.

[Dës Richtlinn sinn am gaang vun der ENISA aktualiséiert ze ginn].

² « Directive (UE) 2018/1972 du Parlement européen et du Conseil du 11 décembre 2018 établissant le code des communications électroniques européen »

³ <https://ec.europa.eu/digital-single-market/en/news/cybersecurity-5g-networks-eu-toolbox-risk-mitigating-measures>